



765AM & 94.3FM

## E TŌ E TE RĀ

E tō e te rā

Tō atu ki te rua, Tō atu ki te rua

Ka haramai roimata

Ka maringi me he wai, Ka maringi me he wai

Tēnei au te pupuri

Tāua te haere, tāua te haere

Kia toremutu au

Te wā moana nei, te wā moana nei

Ū noa Paikea

Te hiwi ki mamairoa, te hiwi ki Mamairoa

Nō Ngaoho au

No Ngaohomatakamokamo, nō Ngaohomatakamokamo

He pahi rawa au

Nōu e Maniapoto, nōu e Maniapoto

Ehara koe i te tāne

He mokopuna rā hoki, he mokopuna rā hoki

He puhi koe nāku

I te wā i mua rā, i te wā i mua rā

Ka iri kei runga

Te whata a Te Rehunga, Te whata a Te Rehunga

E matakū ana rā

Kei pau i te kurī, kei pau i te kuri

Ko āku moke rā

E rangona ake nei, e rangona ake nei

Te rauopiopio

Ko te kowhakararo, ko te kowhakararo

He mea motu mai

I te waha o te ika, i te waha o te ika.